



口 9  
3431  
1-5

門口 9  
3431  
卷 1



故  
董德三  
九郎氏  
一月  
年三  
書



要語以資朝夕閱玩因每讀諸書無論法語格言尚有裨教戒者必手自鈔之營不蒐裘後遊觀之間猶不忘緝錄之事積若干萬言頃繕寫為二卷題曰

弘裕齋撰語繼而有頌於懿親之旨而欲活版之乃先示執事執事并閱數四感激不息且竊相議公之編此書也固以節約為旨矣

若有分部門紀而統之則當以  
加節約而便展觀歟

公聞而然之於是命湖安元及

臣

之後又命二三有學士同考訂

蓋其所載則不敢增損一章句

自編首逐件分定彙而收之其

間或意無偏主或義有相兼者

收通用雜事篇如君道臣道篇

則無勸與戒糅收之他諸篇亦

概效之每篇分卷為二十二卷

為其追改分部類故各門章數不得無甚多寡焉就中似事實不與語相類者亦不敢增損耳於戲

公厯歲月之久涸研童毫惄惄編

此書也如是其勤矣可謂好學之純且篤矣此書也實當為軒以嘉惠後世而此夫不然大姑公之所以於學也亦可得而窺焉再永世豈可不景仰而則倣焉

哉况為君為臣之要道修身治國之切務無不具存焉此書之有關係於國家也夫不亦大哉活版工既竣命臣作序因粗舉其梗槩并手書於篇端云

文政十二年己丑九月

臣城世寔謹撰



弘裕齋撰語目錄

第一卷

君道

第二卷

臣道

第三卷

君臣

第四卷

孝慈

第五卷

勸學

第六卷

修身

第七卷

勉德

第八卷

教訓

第九卷

自敍

第十卷

禮則

第十一卷

政事

第十二卷

官職

第十三卷

第十四卷

民事卷

第十五卷

富國卷

第十六卷

法制卷

第十七卷

惠施卷

第十八卷

賞罰卷

第十九卷

利害

第二十卷

兵道

第二十一卷

通用

第二十二卷

雜事

卷二十二

集解

卷二十一

集解

卷二十

集解

卷十九

集解

卷十八

集解

弘裕齋撰語目錄終

弘裕齋撰語目次

周易 書 詩 周禮 儀禮 禮記

大戴禮記 孔子家語 春秋左氏傳

公羊傳 穀梁傳 國語 戰國策

管子 晏子春秋 呂氏春秋 老子

列子 莊子 韓非子 六韜 三略

孫子 吳子 司馬法 尉繚子 孟子

荀子

弘裕齋撰語目次終

君道



周易乾元亨利貞彖曰大哉乾元萬物資始乃統天雲行雨施品物流形大明終始六位時成時乘六龍以御天乾道變化各正性命保合大和乃利貞首出庶物萬國咸寧象曰天行健君子以自強不息○九五飛龍在天利見大人象曰飛龍在天大人造也○兌初九盤桓利居貞利建侯象曰雖盤桓志行正也

以貴下賤大得民也○蒙六五童蒙吉象曰童蒙之吉順以巽也○師貞丈人吉无咎彖曰師衆也貞正也能以衆正可以王矣剛中而應行險而順以此毒天下而民從之吉又何咎矣象曰地中有水師君子以容民畜衆○上六大君有命開國承家小人勿用象曰大君有命以正功也小人勿用必亂邦也○履虎尾不咥人亨彖曰履柔履剛也說而應乎乾是以履虎尾不咥人亨剛中正履帝位而不疚光明也象曰上天下澤履君子以辯上下定民志○泰小往大來吉亨彖曰泰小往大來吉亨則是天地交而萬物通也上下交而其志同也內陽而外陰內健而外順內君子而外小人君子道長小人道消也象曰天地交泰后以財成天地之道輔相天地之宜以左右民○九二包荒用馮河不遐遺朋亡得尚于中行象曰包荒得尚于中行以光大也○同人于野亨利涉大川利君子貞彖

曰同人柔得位得中而應乎乾曰同人同人  
曰同人于野亨利涉大川乾行也文明以健  
中正而應君子正也唯君子爲能通天下之  
志象曰天與火同人君子以類族辨物○大  
有元亨彖曰大有柔得尊位大中而上下應  
之曰大有其德剛健而文明應乎天而時行  
是以元亨象曰火在天上大有君子以遏惡  
揚善順天休命○謙九三勞謙君子有終吉  
象曰勞謙君子萬民服也○豫利建侯行師

彖曰豫剛應而志行順以動豫豫順以動故  
天地如之而況建侯行師乎天地以順動故  
日月不過而四時不忒聖人以順動則刑罰  
清而民服豫之時義大矣哉象曰雷出地奮  
豫先王以作樂崇德殷薦之上帝以配祖考  
○臨元亨利貞至于八月有凶彖曰臨剛浸  
而長說而順剛中而應大亨以正天之道也  
至于八月有凶消不久也象曰澤上有地臨  
君子以教思无窮容保民无疆○觀盥而不

薦有孚顒若彖曰大觀在上順而巽中正以觀天下觀盥而不薦有孚顒若下觀而化也觀天之神道而四時不忒聖人以神道設教而天下服矣象曰風行地上觀先王以省方觀民設教○六四觀國之光利用賓于王象曰觀國之光尚賓也○九五觀我生君子无咎象曰觀我生觀民也○復亨出入无疾朋來无咎反復其道七日來復利有攸往彖曰復亨剛反動而以順行是以出入无疾朋來无咎反復其道七日來復天行也利有攸往剛長也復其見天地之心乎象曰雷在地中復先王以至日閉關商旅不行后不省方○无妄元亨利貞其匪正有眚不利有攸往彖曰无妄剛自外來而爲主於內動而健剛中而應大亨以正天之命也其匪正有眚不利有攸往无妄之往何之矣天命不祐行矣哉象曰天下雷行物與无妄先王以茂對時育萬物○畜上九何天之衢亨象曰何天之衢

亨道大行也○願貞吉觀願自求口實彖曰  
顧貞吉養正則吉也觀願觀其所養也自求  
口實觀其自養也天地養萬物聖人養賢以  
及萬民顧之時大矣哉象曰山下有雷願君  
子以慎言語節飲食○習坎有孚維心亨行  
有尚彖曰習坎重險也水流而不盈行險而  
不失其信維心亨乃以剛中也行有尚往有  
功也天險不可升也地險山川丘陵也王公  
設險以守其國險之時用大矣哉象曰水洊

至習坎君子以常德行習教事○離利貞亨  
畜牝牛吉彖曰離麗也日月麗乎天百穀草  
木麗乎土重明以麗乎正乃化成天下柔麗  
乎中正故亨是以畜牝牛吉也象曰明兩作  
離大人以繼明照于四方○咸亨利貞取女  
吉彖曰咸感也柔上而剛下二氣感應以相  
與止而說男下女是以亨利貞取女吉也天  
地感而萬物化生聖人感人心而天下和平  
觀其所感而天地萬物之情可見矣象曰山

上有澤咸君子以虛受人○恒亨无咎利貞  
利有攸往彖曰恒久也剛上而柔下雷風相  
與巽而動剛柔皆應恒恒亨无咎利貞久於  
其道也天地之道恒久而不已也利有攸往  
終則有始也日月得天而能久照四時變化  
而能久成聖人久於其道而天下化成觀其  
所恒而天地萬物之情可見矣象曰雷風恒  
君子以立不易方○大壯利貞彖曰大壯大  
者壯也剛以動故壯大壯利貞大者正也正  
大而天地之情可見矣象曰雷在天上大壯  
君子以非禮弗履○明夷利艱貞彖曰明入  
地中明夷內文明而外柔順以蒙大難文王  
以之利艱貞晦其明也內難而能正其志箕  
子以之象曰明入地中明夷君子以莅衆用  
晦而明○姤女壯勿用取女彖曰姤遇也柔  
遇剛也勿用取女不可與長也天地相遇品  
物咸章也剛遇中正天下大行也姤之時義  
大矣哉象曰天下有風姤后以施命誥四方

○萃亨王假有廟利見大人亨利貞用尖牲吉利有攸往彖曰萃聚也順以說剛中而應故聚也王假有廟致孝享也利見大人亨聚以正也用大牲吉利有攸往順天命也觀其所聚而天地萬物之情可見矣象曰澤上於地萃君子以除戎器戒不虞○井九三井渫不食爲我心惻可用汲王明竝受其福象曰井渫不食行惻也求王明受福也○革九五大人虎變未占有孚象曰大人虎變其文炳也○鼎元吉亨彖曰鼎家也以木巽火亨飪也聖人亨以享上帝而大亨以養聖賢巽而耳目聰明柔進而上行得中而應乎剛是以元亨象曰木上有火鼎君子以正位凝命○漸女歸吉利貞彖曰漸之進也女歸吉也進得位往有功也進以正可以正邦也其位剛得中也止而巽動不窮也象曰山上有木漸君子以居賢德善風俗○兌亨利貞彖曰兌說也剛中而柔外說以利貞是以順乎天而

應乎人說以先民忘其勞說以犯難民忘其死說之大民勸矣哉象曰麗澤兌君子以朋友講習○渙亨王假有廟利涉大川利貞彖曰渙亨剛來而不窮柔得位乎外而上同王假有廟王乃在中也利涉大川乘木有功也象曰風行水上渙先王以享于帝立廟○繫辭鳴鶴在陰其子和之我有好爵吾與爾靡之子曰君子居其室出其言善則千里之外應之況其邇者乎居其室出其言不善則千里之外違之況其邇者乎言出乎身加乎民行發乎邇見乎遠言行君子之樞機樞機之發榮辱之主也言行君子之所以動天地也可不慎乎○易曰自天祐之吉无不利子曰祐者助也天之所助者順也人之助所者信也履信思乎順又以尚賢也是以自天祐之吉无不利也○天地之大德曰生聖人之大寶曰位何以守位曰仁何以聚人曰財理財正辭禁民爲非曰義○夫乾天下之至健也

德行恒易以知險夫坤天下之至順也德行  
恒簡以知阻能說諸心能研諸侯之慮定天  
下之吉凶成天下之亹亹者

經書若瞽古帝堯○放黜欽明文思安安允恭

克讓○克明俊德以親九族九族既睦平章  
百姓百姓昭明協和萬邦○若瞽古帝舜○  
濬哲文明溫恭允塞玄德升聞○明四目達  
四聰○柔遠能邇惇德允元而難任人○嘉  
言罔攸伏野無遺賢萬邦咸寧瞽于衆舍亡

從人不虐無告不廢困窮○都帝德廣運乃  
聖乃神乃武乃文○臨下以簡御衆以寬○  
人心惟危道心惟微惟精惟一允執厥中無  
瞽之言勿聽弗詢之謀勿庸○官占惟先蔽  
志昆命于元龜○惟德動天無遠弗屆滿招  
損謙受益時乃天道○禹拜昌言○誕敷文  
德○允迪厥德謨明弼諧○都慎厥身修思  
永惇敘九族庶明勵翼邇可遠在茲○都在  
知人在安民○知人則哲能官人安民則惠

黎民懷之能哲而惠何憂乎驩兜何遷乎有  
苗何畏乎巧言令色孔壬○無教逸欲有邦  
兢兢業業一旧二日萬幾無曠庶官天工人  
其代之天敘有典勅我五典五惇哉天秩有  
禮自我五禮有庸哉○天聰明自我民聰明  
天明畏自我民明威達于上下敬哉有土○  
安汝止惟幾惟康其弼直惟動丕應篤志以  
昭受上帝天其申命用休○念哉率作興事  
慎乃憲欽哉屢省乃成欽哉○皇祖有訓民  
可近不可下民惟邦本本固邦寧千視天下  
愚夫愚婦一能勝予一人三失怨豈在明不  
見是圖予臨兆民懔乎若朽索之馭六馬爲  
人上者奈何不敬○訓有之內作色蕪外作  
禽荒甘酒嗜音峻宇雕牆有一于此未或不  
亡○惟彼陶唐有此冀方今失厥道亂其紀  
綱乃底滅亡○明明我祖萬邦之君有典有  
則貽厥子孫關石和鈞王府則有荒墜厥緒  
覆宗絕祀○嗚呼曷歸予懷之悲萬姓仇予

予將疇依鬱陶乎予心顏厚有忸怩弗慎厥  
德雖悔可追○惟有慙德曰予恐來世以台  
爲口實○嗚呼惟天生民有欲無主乃亂惟  
天生聰明時乂○天乃錫王勇智表正萬邦  
○茲率厥典奉若天命○惟王不邇聲色不  
殖貨利德懋懋官功懋懋賞用人惟亡改過  
不吝克寬克仁彰信兆民○東征西夷怨南  
征北狄怨曰奚獨後予攸徂之民室家相慶  
曰篤予后后來其蘊民之戴商厥惟舊哉佑  
賢輔德顯忠遂良兼弱攻昧取亂侮亡推亡  
固存邦乃其昌德日新萬邦惟懷志自滿九  
族乃離王憲昭大德建中于民以義制事以  
禮制心垂裕後昆能自得師者王謂人莫  
已若者亡好問則裕自用則小嗚呼慎厥終  
惟其始殖有禮覆昏暴欽崇天道永保天命  
○惟皇帝降衷于下民若有恒性克綏厥  
猷惟后○聿求元聖與之勑力以與爾有衆  
請命○爾有善朕弗敢蔽罪當朕躬弗敢自

赦惟簡在上帝之心其爾萬方有罪在予一人予一人有罪無以爾萬方○嗚呼古有夏先后方懋厥德罔有天災山川鬼神亦莫不寧暨鳥獸魚鼈咸若○惟上帝不常作善降之百祥作不善降之百殃爾惟德罔小萬邦惟慶爾惟不德罔大墜厥宗○先王顧諟天之明命以承上下神祇社稷宗廟罔不祇肅天監其德用集大命撫綏萬方惟尹躬克左右厥辟宅師○嗣王戒哉祇爾厥辟辟不辟忝厥祖○先王昧爽不顯坐以待旦夙求俊彥啓迪後人無越厥命以自覆慎乃儉德惟懷永圖若虞機張往省括于度則釋欽厥止率乃祖攸行惟朕以憚萬世有辭○茲乃不義習與性成予弗狎于弗順營于桐宮密邇先王其訓無俾世迷○王拜手稽首曰予小子不明于德自底不類欲敗度縱敗禮以速戾于厥躬天作孽猶可違自作孽不可逭既往背師保之訓不克于厥初尚賴匡救之德

圖惟厥終○伊尹拜手稽首曰修厥身允德  
協于下惟明后先王子惠困窮民服厥命罔  
有不悅竝其有邦厥鄰乃曰篤我后后来無  
罰王懋乃德視乃厥祖無時豫怠奉先思孝  
接下思恭視遠惟明聽德惟聰朕承王之休  
無斁○嗚呼惟天無親克敬惟親民罔常懷  
懷于有仁鬼神無常享享于克誠天位艱哉  
德惟治否德亂與治同道罔不興與亂同事  
罔不亡終始慎厥與惟明明后先王惟時懋  
敬厥德克配上帝今王嗣有令緒尚監茲哉  
○無輕民事惟難無安厥位惟危慎終于始  
○嗚呼天難諶命靡常常厥德保厥位厥德  
匪常九有以亡○眷求一德俾作神主惟尹  
躬暨湯咸有一德克享天心受天明命以有  
九有之師爰革夏正非天私我有商惟天佑  
于一德非商求于下民惟民歸于一德德惟  
一動罔不吉德二三動罔不凶惟吉凶不僭  
在人惟天降災祥在德今嗣王新服厥命惟

新厥德終始惟一時乃日新○俾萬姓咸曰  
大哉王言又曰一哉王心克綏先王之祿永  
底烝民之生○先王有服恪謹天命茲猶不  
常寧○今不承于古罔知天之斷命矧曰其  
克從先王之烈若顛木之有由蘖天其永我  
命于茲新邑紹復先王之大業底綏四方○  
惟說命總百官乃進于王曰嗚呼明王奉若  
天道建邦設都樹后王君公承以大夫師長  
不惟逸豫惟以亂民惟天聰明惟聖時憲惟  
臣欽若惟民從乂惟口起羞惟甲胄起戎惟  
衣裳在笥惟干戈省厥躬王惟戒茲允茲克  
明乃罔不休惟治亂在庶官官不及私昵惟  
其能爵罔及惡德惟其賢慮善以勤勤惟厥  
時有其善喪厥善矜其能喪厥功惟事事乃  
其有備有備無患無啓寵納侮無耻過作非  
惟厥攸居政事惟醇黷于祭祀時謂弗欽禮  
煩則亂事神則難王曰旨哉說乃言惟服乃  
不良于言予罔聞于行說拜誓首曰非知之

艱行之惟艱王忱不艱允協于先王成德惟  
說不言有厥咎○祖亡曰惟先格王正厥事  
乃訓于王曰惟天監下民典厥義降年有永  
有不永非天夭民民中絕命民有不若德不  
聽罪天旣孚命正厥德○惟天地萬物父母  
惟人萬物之靈亶聰明作元后元后作民父  
母○天佑下民作之君作之師惟其克相上  
帝寵綏四方有罪無罪予曷敢有越厥志○  
惟天惠民惟辟奉天○受有億兆夷人離心  
離德予有亂臣十人同心同德雖有周親不  
如仁人天視自我民視天聽自我民聽百姓  
有過在予一人○天有顯道厥類惟彰○撫  
我則后虐我則讎○嗚呼羣后惟先王建邦  
啓土公劉克篤前烈至于大王肇基王迹王  
季其勤王家我文考文王克成厥勲誕膺天  
命以撫方夏大邦畏其力小邦懷其德○予  
小子旣獲仁人敢祇承上帝以遏亂略○嗚  
呼明王慎德四夷咸賓無有遠邇畢獻方物

惟服食器用王乃昭德之致于異姓之邦無  
替厥服分寶玉于伯叔之國時庸展親人不  
易物惟德其物德盛不狎侮狎侮君子罔以  
盡人心狎侮小人罔以盡其力不役耳目百  
度惟貞玩人喪德玩物喪志志以道寧言以  
道接不作無益害有益功乃成不貴異物賤  
用物民乃足犬馬非其土性不畜珍禽奇獸  
不畜于國不寶遠物則遠人格所寶惟賢則  
邇人安嗚呼夙夜罔或不勤不矜細行終累

大德爲山九仞功虧一簣允迪茲生民保厥  
居惟乃世王○天降威知我國有疵○予沖  
人永思艱曰嗚呼允蠹鰥寡哀哉予造天役  
遺大投艱于朕身越予沖人不卬自恤義爾  
邦君越爾多士尹氏御事綏予曰無惄于恤  
不可不成乃寧考圖功○惟厥罪無在大亦  
無在多矧曰其尚顯聞于天王曰嗚呼封敬  
哉無作怨勿用非謀非彝蔽時忱不則敏德  
用康乃心顧乃德遠乃猷裕乃以民寧不汝

瑕殄○經德秉哲○庶邦享作兄弟方來亦  
旣用明德○天迪從子保禹面誓天若○王  
敬作所不可不敬德我不可不監于有夏亦  
不可不監于有殷○若有功其惟王位在德  
元○公曰已汝惟冲子惟終汝其敬識百辟  
享亦識其有不享享多儀儀不及物惟曰不  
享惟不役志于享凡民惟曰不享惟事其爽  
侮乃惟孺子頒朕不暇聽朕教汝于棐民彝  
汝乃是不寢乃時惟不永哉篤敘乃正父罔  
不若予不敢廢乃命汝往敬哉茲予其明農  
哉彼裕我民無遠用戾王若曰公明保予冲  
子公稱丕顯德以予小子揚文武烈奉答天  
命和恒四方民居師惇宗將禮稱秩元祀咸  
秩無文惟公德明光于上下勤施于四方旁  
作穆穆迓衡不迷文武勤教予冲子夙夜毖  
祀○惟帝不畀惟我下民秉爲惟天明畏○  
周公曰嗚呼我聞曰昔在殷王中宗嚴恭寅  
畏天命自度治民祇懼不敢荒寧肆中宗之

享國七十有五年其在高宗時舊勞于外爰暨小人作其卽位乃或亮陰三年不言其惟不言言乃雍不敢荒寧嘉靖殷邦至于小大無時或怨肆高宗之享國五十有九年其在祖甲不義惟王舊爲小人作其卽位爰知小人之依能保惠于庶民不敢侮鰥寡肆祖甲之享國三十有三年自時厥後立王生則逸生則逸不知稼穡之艱難不聞小人之勞惟耽樂之從自時厥後亦罔或克壽或十年或七八年或五六六年或四三年周公曰嗚呼厥亦惟我周太王王季克自抑畏文王卑服卽康功田功徽柔懿恭懷保小民惠鮮鰥寡自朝至于日中吳不遑暇食用咸和萬民文王不敢盤于遊田以庶邦惟正之供文王受命惟中身厥享國五十年○周公曰嗚呼繼自今嗣王則其無淫于觀于逸于遊于田以萬民惟正之供無皇曰今日耽樂乃非民攸訓非天攸若時人不則有愆無若殷王受之迷

亂酗于酒德哉○周公曰嗚呼我聞曰古之人猶胥訓告胥保惠胥教誨民無或胥譎張爲幻此厥不聽人乃訓之乃變亂先王之正刑至于小大民否則厥心違怨否則厥口詛祝○周公曰嗚呼自殷王中宗及高宗及祖甲及我周文王茲四人迪哲厥或告之曰小人怨汝詈汝則皇自敬德厥愆曰朕之愆允若時不啻不敢含怒此厥不聽人乃或譎張爲幻曰小人怨汝詈汝則信之則若時不永念厥辟不寬綽厥心亂罰無罪殺無辜怨有同是叢于厥身周公曰嗚呼嗣王其監于茲○惟純佑秉德迪知天威乃惟時昭文王○公曰嗚呼君惟乃知民德亦罔不能厥惟初其終祇若茲往敬用治○王若曰小子胡惟爾率德改行克慎厥猷肆予命爾侯于東土往卽乃封敬哉爾尚蓋前人之愆惟忠惟孝爾乃邁迹自身克勤無怠以垂憲乃後率乃祖文王之彝訓無若爾考之違王命皇天無

親惟德是輔民心無常惟惠之懷爲善不同  
同歸于治爲惡不同同歸于亂爾其戒哉慎  
厥初惟厥終終以不困不惟厥終終以困窮  
懋乃攸績睦乃四隣以蕃王室以和兄弟康  
濟小民率自中無作聰明亂舊章詳乃視聽  
罔以側言改厥度則予一人汝嘉○克堪用  
德惟典神天○越惟有胥伯小大多正爾罔  
不克臬自作不和爾惟和哉爾室不睦爾惟  
和哉爾邑克明爾惟克勤乃事爾尚不忌于  
凶德亦則以穆穆在乃位○率惟教功不敢  
替厥義德率惟謀從容德以竝受此丕丕基  
○惟公懋德克勤小物彌亮四世正色率下  
罔不祇師言嘉績多于先王予小子垂拱仰  
成○羣后之逮在下明明棐常鰥寡無蓋皇  
帝清問下民鰥寡有辭于苗德威惟畏德明  
惟明○雖畏勿畏雖休勿休惟敬五刑以成  
三德一人有慶兆民賴之其寧惟永  
匪直也人秉心塞淵○碩鼠碩鼠無食我

柔二歲貫女莫我肯顧逝將去女適彼樂土  
樂土樂土爰得我所○有杖之杜生于道左  
彼君子兮噬肯適我中心好之曷飲食之○  
交交黃鳥止于棘誰從穆公子車奄息維此  
奄息百夫之特臨其穴惄惄其慄彼蒼者天  
殲我良人如可贖兮人百其身○駢彼晨風  
鬱彼北林未見君子憂心欽欽如何如何忘  
我實多○於我乎夏屋渠渠今也每食無餘  
于嗟乎不承權輿○我徂東山慆慆不歸我

來自東零雨其濛我東曰歸我心西悲制彼  
裳衣勿士行枚蜎蜎者蠋烝在桑野敦彼獨  
宿亦在車下○我有嘉賓德音孔昭視民不  
挑君子是則是儻○我有旨酒以燕樂嘉賓  
之心○菁菁者莪在彼中阿旣見君子樂且  
有儀○赫赫師尹民具爾瞻○尹氏大師維  
周之氏秉國之均四方是維天子是毗俾民  
不迷○嗟爾君子無恒安處靖共爾位正直  
是與神之聽之式穀以女○文王在上於昭

于天周雖舊邦其命維新○亹亹文王令聞  
不已○予曰有疏附予曰有先後予曰有奔  
奏予曰有禦侮○瞻彼旱麓榛楛濟濟豈弟  
君子于祿豈弟○不聞亦式不諫亦入肆成  
人有德小子有造古之人無斁譽髦斯士○  
維此王季帝度其心貊其德音其德克明克  
明克類克長克君王此大邦克順克比比于  
文王其德靡悔旣受帝祉施于孫子○黃耇  
台背以引以翼壽考維祺以介景福○假樂  
君子顯顯令德宜民宜人受祿于天保右命  
之自天申之○穆穆皇皇宜君宜王不愆不忘  
率由舊章○威儀抑抑德音秩秩無怨無  
惡率由羣匹受福無疆四方之綱○之綱之  
紀燕及朋友百辟卿士媚于天子不解于位  
民之攸暨○豈弟君子民之父母○豈弟君  
子來游來歌以矢其音○佯與爾游矣優游  
爾休矣豈弟君子俾爾彌爾性似先公曾矣  
○有馮有翼有孝有德以引以翼豈弟君子

四方爲則○顥顥卬卬如圭如璋令聞令望  
豈第君子四方爲綱○鳳凰于飛翩翩其羽  
亦集爰止藹藹王多吉士維君子使媚于天  
子○不明爾德時無背無側爾德不明以無  
陪無卿○無競維人四方其訓之有覺德行  
四國順之訏謨定命遠猶辰告敬慎威儀維  
民之則○維天之命於穆不已於乎不顯文  
王之德之純○黃髮台背壽胥與試

周禮惟王建國辨方正位體國經野設官分職  
以爲民極

禮記母不敬儼若思安定辭安民哉○古之君  
子進人以禮退人以禮故有爲舊君反服之  
禮也今之君子進人若將加諸膝退人若將  
隊諸淵母爲戎首不亦善乎又何反服之禮  
之有○聖人之記事也慮之以大愛之以敬  
行之以禮修之以孝養紀之以義終之以仁  
是故古之人一舉事而衆皆知其德之備也  
古之君子舉大事必慎其終始而衆安得不

喻焉兌命曰念終始典于學○天生時而地  
生財人其父生而師教之四者君以正用之  
故君者立於無過之地也○君者所明也非  
明人者也君者所養也非養人者也君者所  
事也非事人者也故君明人則有過養人則  
不足事人則失位故百姓則君以自治也養  
君以自安也事君以自顯也故禮達而分定  
故人皆愛其死而患其生○聖人耐以天下  
爲一家以中國爲一人者非意之也必知其  
情辟於其義明於其利達於其患然後能爲  
之○天道至教聖人至德○敬而親之先王  
之所以得天下也○聖人南面而聽天下所  
且先者五民不與焉一曰治親二曰報功三  
曰舉賢四曰使能五曰存愛五者一得於天  
下民無不足無不贍者五者一物紕繆民莫  
得其死○自仁率親等而上之至于祖自義  
率祖順而下之至于禰是故人道親親也親  
親故尊祖尊祖故敬宗敬宗故收族收族故

宗廟嚴宗廟嚴故重社稷重社稷故愛百姓愛百姓故刑罰中刑罰中故庶民安庶民安故財用足財用足故百志成百志成故禮俗刑禮俗刑然後樂○先王之所以治天下者五貴有德貴貴老敬長慈幼此五者先王之所以定天下也貴有德何爲也爲其近於道也貴貴爲其近於君也貴老爲其近於親也敬長爲其近於兄也慈幼爲其近於子也是故至孝近乎王至弟近乎霸至孝近乎王

雖天子必有父至弟近乎霸雖諸侯必有兄先王之教因而弗改所以領天下國家也○君子貴人而賤己先人而後己則民作讓○善則稱人過則稱己則民不爭善則稱人過則稱己則怨益亡○善則稱人過則稱己則民讓善○爲天下國家有九經曰修身也尊賢也親親也敬大臣也體羣臣也子庶民也來百工也柔遠人也懷諸侯也修身則道立尊賢則不惑親親則諸父昆弟不怨敬大臣

則不眩體羣臣則士之報禮重子庶民則百姓勸來百工則財用足柔遠人則四方歸之懷諸侯則天下畏之○齊明盛服非禮不動所以修身也去讒遠色賤貨而貴德所以勸賢也尊其位重其祿同其好惡所以勸親親也官盛任使所以勸大臣也忠信重祿所以勸士也時使薄歛所以勸百姓也日省月試旣廩稱事所以勸百工也送往迎來嘉善而矜不能所以柔遠人也繼絕世舉廢國治亂持危朝聘以時厚往而薄來所以懷諸侯也

○君子之道本諸身徵諸庶民考諸三王而不繆建諸天地而不悖質諸鬼神而無疑知百年以俟聖人而不惑質諸鬼神而無疑知天也百世以俟聖人而不惑知人也是故君子動而世爲天下道行世而爲天下法言而世爲天下則遠之則有望近之則不厭○君子篤恭而天下平○君子隱而顯不矜而莊不厲而威不言而信○君子不失足於人不失

色於人不失口於人是故君子貌足畏也色足憚也言足信也○仁者天下之表也義者天下之制也報者天下之利也○君子不自大其事不自尚其功以求處情過行弗率以求處厚彰人之善而美人之功以求下賢是故君子雖自畀而民敬尊之○大人之器威敬○好賢如緇衣惡惡如巷伯則爵不瀆而民作愿刑不試而民咸服○禹立三年百姓以仁遂焉豈必盡仁○長民者衣服不貳從容有常以齊其民則民德壹○有國者章善癱惡以示民厚則民情不貳○大人不親其所賢而信其所賤民是以親失而教是以煩○民以君爲心君以民爲體心莊則體舒心肅則容敬心好之身必安之君好之民必欲之心以體全亦以體傷君以民存亦以民亡○言從而行之則言不可飾也行從而言之則行不可飾也故君子寡言而行以成其信則民不得大其美而小其惡○一家仁則一

國興仁一家讓一國興讓一人貪戾一國作亂其機如此此謂一言僨事一人定國

禮記大戴

君子爲小由爲大也○君子錯在高山

之上深澤之汙聚橡栗藜藿而食之生耕稼以老十室之邑是故昔者禹見耕者五耦而武過十室之邑則下爲秉德之士存焉○上者辟如緣木者務高而畏下者滋甚六馬之離必於四面之衢民之離道必於上之佚政也

孔子家語

夫道者所以明德也德者所以尊道也是以非德道不尊非道德不明雖有國之良馬不以其道服乘之不可以取道里雖有博地衆民不以其道治之不可以致霸王○凡上者民之表也表正則何物不正是故人君先立仁於己然後大夫忠而士信民敦而俗樸男慤而女貞○所謂天下之至仁者能合天下之至親也所謂天下之至明者能舉天下之至賢者也○君子之惡惡道不甚則好

善道亦不甚好善道不甚則百姓之親上亦不甚○君子有三患未之聞患弗得聞既得聞之患弗得學既得學之患弗能行有其德而無其言君子恥之有其言而以無其行君子恥之既得之而又失之君子恥之地有餘而民不足君子恥之衆寡均而人功倍亡焉君子恥之○明鏡所以察形往古所以知今人主不務襲迹於其所以安存而忽怠所以危亡是猶未有以異於郤走而欲求及前人也豈不惑哉○尊賢而不能用賤不肖而不能去賢者知其不用而怨之不肖者知其必已賤而離之○以富貴而下人何人不尊以富貴而愛人何人不親發言不逆可謂知言矣言而衆嚮之可謂知時矣○舟非水不行水入舟則沒君非民不治民犯上則傾○君子南面臨官大域之中而公治之精智而略行之合是忠信考是大倫存是美惡進是利而除是害無求其報焉而民之情可得也○

女子必自擇絲麻良工必自擇完材賢君必自擇左右勞於取人佚於治事君子欲譽則必謹其左右爲上者譬如緣木焉務高而畏下茲甚六馬之乖離必於四達之交衢萬民之叛道必於君上之失政上者尊嚴而危民者卑賤而神愛之則存惡之則亡長民者必明此之要○南面臨官貴而不驕富而能供有本而能圖末修事而能建業久居而不滯情近而知遠故察一物而貫乎多治一物而萬物不能亂者以身本者也君子蒞民不可以不知民之性而達諸民之情既知其性又習其情然後民乃從命矣○政不正則君位危君位危則大臣倍小臣竊刑肅而俗敝則法無常法無常則禮無別禮無別則士不仕民不歸是謂疵國是故夫政者君之所以藏身也

春秋左氏傳 賤妨貴少陵長遠間親新聞舊小加  
大淫破義所謂六逆也君義臣行父慈子孝

兄愛弟敬所謂六順也去順效逆所以速禍  
也君人者將禍是務去而速之無乃不可乎  
○親仁善鄰國之寶也○君人者將昭德塞  
違以臨照百官猶懼或失之故昭令德以示  
子孫○禹湯罪己其興也悖焉桀紂罪人其  
亡也忽焉○君舉必書書而不法後嗣何觀  
○國將興聽於民將亡聽於神○內寵竝后  
外寵二政嬖子配適大都耦國亂之本也○  
招攜以禮懷遠以德德禮不易無人不懷○  
大上以德撫民其次親親以相及也○庸動  
親親暱近尊賢德之大者也卽聾從昧與頑  
用嚚姦之大者也弃德崇姦禍之大者也○  
敬德之聚也能敬必有德德以治民○不忘  
恭敬民之主也○高下在心川澤納汙山數  
藏疾瑾瑜匿瑕國君含垢天之道也○恤民  
爲德正直爲正正曲爲直參和爲仁○小國  
無文德而有武功禍莫大焉○樂以安德義  
以處之禮以行之信以守之仁以厲之○一

人刑善百姓休和可不務乎○良君將賞善而刑淫養民如子蓋之如天容之如地民奉其君愛之如父母仰之如日月敬之如神明畏之如雷霆○天生民而立之君使司牧之勿使失性有君而爲之貳使師保之勿使過度是故天子有公諸侯有卿卿置側室大夫有貳宗士有朋友庶人工商阜隸牧圉皆有親暱以相輔佐也善則賞之過則匡之患則救之失則革之自王以下各有父兄子弟以補察其政史爲書瞽爲詩工誦箴諫大夫規誨士傳言庶人謗商旅于市百工獻藝故夏書曰適人以木鐸徇於路官師相規工執藝事以諫正月孟春於是乎有之諫失常也天之愛民甚矣豈其使一人肆於民上以從其淫而弃天地之性必不然矣○小人之性釁於勇嗇於禍以足其性而求名焉者非國家之利也○鄰於善民之望也○君子在位可畏施舍可愛進退可度周旋可則容止可觀

作事可法德行可象聲氣可樂動作有文言  
語有章以臨其下謂之有威儀也○君子有  
四時朝以聽政晝以訪問夕以修令夜以安  
身

公羊傳

君子大居正

國語先王耀德不觀兵夫兵戢而時動動則威  
觀則玩玩則無震○先王之於民也茂正其  
德而厚其性阜其財求而利其器用明利害  
之鄉以文修之使務利而避害懷德而畏威  
故能保世以滋大○夫王人者將導利而布  
之上下者也使神人百物無不得其極猶日  
怵惕懼怨之來也○肅恭明神而敬事耆老  
賦事行刑必問於遺訓而咨於故實不干所  
問不犯所咨○夫義所以生利也祥所以事  
神也仁所以保民也不義則利不阜不祥則  
福不降不仁則民不至古之明王不失此三  
德者故能光有天下而龢寧百姓令聞不忘  
○君子不自稱也非以讓也惡其蓋人也夫

人性陵上者也不可蓋也求蓋人其抑下滋  
甚故聖人貴讓○在禮敵必三讓是則聖人  
知民之不可加也故王天下者必先諸民然  
後庇焉則能長利○佻天不祥乘人不義不  
祥則天棄之不義則民畔之○夫合諸侯國  
之大事也於是乎觀存亡故國將無咎其君  
在會步言視聽必皆無謫則可以知德矣視  
遠曰絕其義足高日棄其德言爽日反其信  
聽淫日離其名夫目以處義足以踐德口以  
庇信耳以聽名者也故不可不慎也偏喪有  
咎既喪則國從之○度於天地而順於時動  
龢於民神而儀於物則○小賜不咸獨恭不  
優○聖王公之先封者遺後之人法使無陷  
於惡其爲後世昭前之令聞也使長監於世  
故能攝固不解以久○君作而順則故之逆  
則亦書其逆也○君也者民之川澤也行而  
從之美惡皆君之由民何能爲焉○以德榮  
爲國華○周恭王能庇昭穆之闕而爲恭楚

恭王能知其過而爲恭○堅樹在始始不固本終必槁落夫長國者唯知哀樂喜怒之節是以導民○人美於中必播於外而越於民民實戴之惡亦如之故行不可不慎也○讓推賢也義廣德也德廣賢至有何患矣○國君服寵以爲美安民以爲樂聽德以爲聰致遠以爲明○君國者將民之與處民實瘠矣君安得肥旦夫私欲弘侈則德義鮮少德義不行則邇者騷離而遠者距違○古之賢君

戰國策

策

國

不患其衆之不足也而患其志行之少恥也明主旌正有功者不得不賞有能者不得官勞大者其祿厚功多者其爵尊能治衆者其官大故不能者不敢當其職焉能者亦不得蔽隱○太山不讓土壤故能成其大河海不擇細流故能就其深○祖仁者王立義者霸用兵窮者亡○君明則樂官不明則樂音○昔者三苗之居左有彭蠡之波右有洞庭之水汶山在其南而衡山在其北恃此

險也爲政不善而禹放逐之夏桀之國左天門之陰而右天谿之陽盧罟在其北伊洛出其南有此險也然爲政不善而湯伐之殷紂之國左孟門而右漳金前帶河後被山有此險也然爲政不善而武王伐之○昔者帝女令儀狄作酒而美進之禹禹飲而甘之遂疏儀狄絕旨酒曰後世必有以酒亡其國者齊桓公夜半不謙易牙乃煎熬燔炙和調五味而進之桓公食之而飽至旦不覺曰後世必有以味亡其國者晉文公得南之威三日不聽朝遂推南之威而遠之曰後世必有以色亡其國者楚王登強臺而望崩山左江而右湖以臨彷徨其樂忘死遂盟強臺而弗登曰後世必有以高臺陂池亡其國者○明主者務聞其過不欲聞其善○帝者與師處王者與友處霸者與臣處亡國與役處謔指而事之北面而受學則百亡者至先趨而後息先問而後嘿則什亡者至人趨則若亡者至馮

凡據杖眄視指使則斲役之人至若恣睢奮擊响藉叱咄則徒隸之人至矣此古服道致士之法也○賢聖之君不以祿私其親功多者授之不以官隨其愛能當者處之故察能而授官者成功之君也論行而結交者立名之士也

管子御民之繆在上之所貴道民之門在上之所先召民之路在上之所好惡故君求之則臣得之君嗜之則臣食之君好之則臣服之君惡之則臣匿之母蔽汝惡母異汝度賢者將不汝助言室滿室言堂滿堂是謂聖王城郭溝渠不足以固守兵甲彊力不足以應敵博地多財不足以有衆惟有道者能備患於未形也故禍不崩大下不患無財患無人以使之天下不患無私者可置以爲政審於時而察於用而能備官者可奉以爲君也緩者後於事吝於財者失所親信小人者失士○

山高而不崩則祈羊至矣淵深而不涸則沈  
玉極矣○莫樂之則莫哀之莫生之則莫死  
之○獨王之國勞而多禍獨國之君畀而不  
威自媒之女醜而不信○言而不可復者君  
不言也行而不可再者君不行也凡言而不  
可復行而不可再者有國者之大禁也○商  
賈在朝則貨財上流婦言人事則賞罰不信  
男女無別則民無廉恥貨財上流賞罰不信  
民無廉恥而求百姓之安難兵士之死節不  
可得也朝廷不肅貴賤不明長幼不分度量  
不審衣服無等上下凌節而求百姓之尊主  
政令不可得也上好詐謀間欺臣下賦歛競  
得使民偷壹則百姓疾怨而求下之親上不  
可得也有地不務本事君國不能壹民而求  
宗廟社稷之無危不可得也○人君泄則言  
實之士不進言實之士不進則國之情僞不  
竭于上○勝一而服百則天下畏之矣立少  
而觀多則天下懷之矣○兼愛無遺是謂君

心○先王不約束不結紐約束則解結紐則絕故親不在約束結紐○先王事以合交德以合人二者不合則無成矣無親矣○凡君國之重器莫重於命令重則君尊君尊則國安令輕則君卑君卑則國危○聞賢而不舉殆聞善而不索殆見能而不使殆親人而不固殆同謀而離殆危人而不能殆廢人而復起殆可而不爲殆足而不施殆幾而不密殆人主不周密則正言直行之士危正言直行之士危則人主孤而母內人主孤而母內則久臣黨而成羣使人主孤而母內人臣黨而成羣者此非人臣之罪也人主之過也○君有三欲於民三欲不節則上位危三欲者何也一曰求二曰禁三曰令求必欲得禁必欲止令必欲行求多者其得寡禁多者其止寡令多者其行寡求而不得則威日損禁而不行則刑罰侮令而不行則下凌上故未有能多求而多得者也未有能多禁而多止者也

未有能多令而多行者也故曰上苛則下不聽下不聽而彊以刑罰則爲人上者衆謀矣爲人上而衆謀之雖欲無危不可得也號令已出又易之禮義已行又止之度量已制又遷之刑法已錯又移之如是則慶賞雖重民不勸也殺戮雖繁民不畏也故曰上無固植下有疑心國無常經民力必竭數也明君在上位民母敢立私議自貴者國母怪嚴母雜俗母異禮士母私議○堂上遠於百里堂下遠於千里門廷遠於萬里今步者一日百里之情通矣堂上有事十日而君不聞此所謂遠於百里也步者十日千里之情通矣堂下有事一月而君不聞此所謂遠於千里也步者百日萬里之情通矣門廷有事期年而君不聞此所謂遠於萬里也○賢人不至謂之蔽忠臣不用謂之塞令而不行謂之障禁而不止謂之逆蔽塞障逆之君者不敢杜其門而守其戶也爲賢者之不至令之不行也凡

民從上也不從口之所言從情之所好者也  
上好勇則民輕死上好仁則民輕財故上之所好民必甚焉是故明君知民之必以上爲心也故置法以自治立儀以自正也故上不行則民不從彼民不服法死節則國必亂矣是以有道之君行法修制先民服也○猛毅之君不免於外難懦弱之君不免於內亂猛毅之君者輕誅輕誅之流道正者不安道正者不安則材能之臣去亡矣彼知者知吾情僞爲敵謀我則外難自是至矣故曰猛毅之君不免於外難懦弱之君者重誅重誅之過行邪者不革行邪者久而不革則羣臣比周羣臣比周則蔽美揚惡蔽美揚惡則內亂自是起故曰懦弱之君不免於內亂○沈於樂者洽於憂厚於味者薄於行慢於朝者緩於政害於國家者危於社稷○國大而政小者國從其政國小而政大者國益大大而不爲者復小彊而不理者復弱衆而不理者復寡

貴而無禮者復賤重而凌節者復輕富而驕肆者復貧故觀國者觀君觀軍者觀將觀備者觀野其若如明而非明也其將如賢而非賢也其人如耕者而非耕也三守既失國非其國也地大而不爲命曰土滿人衆而不理命曰人滿兵威而不止命曰武滿三滿而不止國非其國也地大而不耕非其地也卿貴而不臣非其卿也人衆而不親非其人也夫無土而欲富者憂無德而欲王者危施薄而求厚者孤○主道得賢材遂百姓治治亂在主而已矣故曰主身者正德之本也官治者耳目之制也身立而民化德正而官治治官化民其要在上是故君子不求於民是以上及下之事謂之矯下及上之事謂之勝爲上而矯悖也爲下而勝逆也國家有悖逆反迕之行有土主民者失其紀也○先王善與民爲一體與民爲一體則是以國守國以民守民也然則民不便爲非矣雖有明君百步之

求厚者孤○主道得賢材遂百姓治治亂在主而已矣故曰主身者正德之本也官治者耳目之制也身立而民化德正而官治治官化民其要在上是故君子不求於民是以上及下之事謂之矯下及上之事謂之勝爲上而矯悖也爲下而勝逆也國家有悖逆反迕之行有土主民者失其紀也○先王善與民爲一體與民爲一體則是以國守國以民守民也然則民不便爲非矣雖有明君百步之

外聽而不聞間之堵牆窺而不見也而名爲明君者君善用其臣臣善納其忠也信以繼信善以傳善是以四海之內可得而治○善罪身者民不得罪也不能罪身者民罪之○明王懼聲以感耳懼氣以感目以此二者有天下矣○取人以人者其去人也亦用人○一人之治亂在其心一國之存亡在其主天下得失道一人出主好本則民好墾草萊主好貨則人賈市主好宮室則工匠巧主好文采則女工靡夫楚王好小腰而美人省食吳王好劔而國士輕死死與不食者天下之所共惡也然而爲之者何也從主之所欲也而况愉樂音聲之化乎○亡國踣家者非無壤土也其所事者非其功也夫凶歲雷旱非無雨露也其燥濕非其時也亂世煩政非無法令也其所誅賞者非其人也暴主迷君非無心腹也其所取舍非其術也○黃帝立明臺之議者上觀於賢也堯有衢室之間者下聽

於人也舜有告善之旌而主不蔽也禹立諫鼓於朝而備訊唉湯有總街之庭以觀人誹也武王有靈臺之復而賢者進也○蛟龍水蟲之神者也乘於水則神立失於水則神廢人主天下之有威者也得民則威立失民則威廢蛟龍待得水而後立其神人主待得民而後成其威○將將鴻鵠貌之美者也貌美故民歌之德義者行之美者也德義美故民樂之民之所歌樂者美行德義也○毀訾賢者之謂訾推譽不肖之謂訾訾譽之人得用則人主之明蔽而毀譽之言起任之大事則事不成而禍患至故曰訾譽之人勿與任大○明君能勝六攻而立三器故國不治三器者君不能勝六攻而立三器故國不治三器者何也曰號令也斧鉞也祿賞也六攻者何也親也貴也貨也色也巧佞也玩好也

晏子春秋明所愛而賢良衆明所惡而邪僻滅○明君望聖人而信其教○明君莅國立政不

損祿不益刑又不以私意害公法不爲禽獸傷人民不爲艸木傷禽獸不爲野艸傷禾苗○誠于愛民果于行善○大山之高非一石也累卑然後高天下者非用一士之言也固有受而不用惡有拒而不受者哉○君人者與其請於人不如請於己也○能愛邦內之民者能服境外之不善重士民之死力者能禁暴國之邪逆○上君全善其次出入焉其次結邪而羞問全善之君能制出入之君時問雖日危尚可以沒身羞問之君不能保其身○畀而不失尊曲而不失正者以民爲本也苟持民矣安遺道苟遺民矣安有正行焉○樂賢而哀不肖守國之本也○下無直辭上有隱君民多諱言君有驕行○君子之爲善易矣

呂氏  
春秋

使烏獲疾引牛尾尾絕力勲而牛不可行逆也使五尺豎子引其棬而牛怒所以之順也世之人主貴人無賢不肖莫不欲長生

久視而日逆其生欲之何益凡生長也順之  
也使生不順者歛也故聖人必先適歛○天  
無私覆也地無私載也日月無私燭也四時  
無私行也行其德而萬物得遂長焉○舜染  
於許由伯陽禹染於臯陶伯益湯染於伊尹  
仲虺武王染於太公望周公旦此四王者所  
染當故王天下立爲天子功名蔽天地舉天  
下之仁義顯人必稱此四王者夏桀染於羊  
辛岐蹠戎殷紂染於崇侯惡來周厲王染於  
虢公長父榮夷終幽王染於虢公鼓祭公敦  
此四王者所染不當故國殘身死爲天下僇  
舉天下之不義辱人必稱此四王者○由其  
道功名之不可得逃猶表之與影若呼之與  
響善鈎者出魚乎十仞之下餌香也善弋者  
下鳥乎百仞之上弓良也善爲君者蠻夷反  
舌殊俗異習皆服之德厚也水泉深則魚鱉  
歸之樹木盛則飛鳥歸之庶草茂則禽獸歸  
之人主賢則豪傑歸之故聖王不務歸之者

而務其所以歸○凡事之本必先治身嗇其大寶用其新棄其陳腠理遂通精氣日新邪氣盡去及其天年此之謂真人昔者先聖王成其身而天下成治其身而天下治故善饗者不於饗於聲善影者不於影於形爲天下者不於天下於身○丘陵成而穴者安矣大水深淵成而魚鼈安矣松柏成而塗之人已蔭矣○戎人生乎戎長乎戎而戎言不知其所受之楚人生乎楚長乎楚而楚言不知其所受之今使楚人長乎戎戎人長乎楚則楚人戎言戎人楚言矣由是觀之吾未知亡國之主不可以爲賢主也其所生長者不可耳故所生長不可不察也天下無粹白之狐而有粹白之裘取之衆白也夫取於衆此三皇五帝之所以大立功名也凡君之所以立出乎衆也○聖人形德乎亡而四荒咸飭乎仁○割地寶器卑辭屈服不足以止攻惟治爲足治則爲利者不攻矣爲名者不伐矣凡人

之攻伐也非爲利則因爲名也名實不得國雖疆大者曷爲攻矣○聽言不可不察不察則善不善不分善不善不分亂莫大焉三代分善不善故王○昔者禹一沐而三捉髮一食而三起以禮有道之士通乎己之不足也通乎亡之不足則不與物爭矣愴易平靜以待之使夫自得之因然而然之使夫自言之亡國之主反此乃自賢而少人少人則說者持容而不極聽者自多而不得雖有天下何益焉是乃冥之昭亂之定敗之成危之寧○天子之德廣運乃神乃武乃文故務在事事在大地大則有常祥不庭歧毋羣抵天翟不周山大則有虎豹熊螭姐水大則有蛟龍鼈鼈鯀鱸鮪○功名大立天也爲是故因不慎其人不可夫舜遇堯天也舜耕於歷山陶於河濱釣於雷澤天下說之秀士從之人也夫禹遇舜天也禹周於天下以求賢者事利黔首水潦川澤之湛滯壅塞可通者禹盡爲之人

也夫湯遇桀武遇紂天也湯武修身積善爲義以憂苦於民人也○國雖小其食足以食天下之賢者其車足以乘天下之賢者其財足以禮天下之賢者與天下之賢者爲徒此文王之所以王也今雖未能王其以爲安也不亦易乎此趙宣孟之所以免也周昭文君之所以顯也孟嘗君之所以却荆兵也古之天立功名與安國免身者其道無他其必此之由也堪士不可以驕恣屈也○凡國之亡也有道者必先去古今一也地從於城城從於民民從於賢故賢主得賢者而民得民得而城得城得而地得夫地得豈必足行其地人說其民哉得其要而已矣○亡國非無智士也非無賢者也其主無由接故也無由接之患自以爲智智必不接今不接而自以爲智悖若此則國無以存矣主無以安矣○得道者必靜靜者無知知乃無知可以言君道也故曰中欲不出謂之扃外欲不入謂之閨

旣局而又閑天之用密有准不以平有繩不以正天之大靜旣靜而又寧可以爲天下正身以盛心心以盛智智乎深藏而實莫得窺乎○至神逍遙倏忽而不見其容至聖變習移俗而莫知其所從離世別羣而無不同君民孤寡而不可障壅此則姦邪之情得而險陂讒慝諂諛巧佞之人無由入凡姦邪險陂之人必有因也何因哉因主之爲人主好以己爲則守職者舍職而阿主之爲矣阿主之爲有過則主無以責之則人主曰侵而人臣曰得是宜動者靜宜靜者動也尊之爲卑卑之爲尊從此生矣此國之所以衰而敵之所以攻之者也○無骨者不可令知冰有土之君能察此言也則災無由至矣且夫耳目智巧固不足恃惟修其數行其理爲可○去聽無以聞則聰去視無以見則明去智無以知則公去三者不任則治三者任則亂以此言耳目心智之不足恃也耳目心智其所以知

識甚闕其所以聞見甚淺以淺闢博居天下安殊俗治萬民其說固不行十里之間而耳不能聞惟牆之外而目不能見三畝之宮而心不能知其以東至開梧南撫多頸西服壽靡北懷儉耳若之何哉故君人者不可不察此言也治亂安危存亡其道固無二也故至智棄智至仁忘仁至德不德無言無思靜以待時時至而應心暇者勝凡應之理清淨公素而正始卒焉此治紀無唱有和無先有隨

古之王者其所爲少其所因多因者君術也爲者臣道也爲則擾矣因則靜矣因冬爲寒因夏爲暑若奚事哉故曰君道無知無爲而賢於有知有爲則得之矣○大撓作甲子黠如作慮首容成作曆羲和作占日尚儀作占月后益作占歲胡曹作衣夷羿作弓祝融作市儀狄作酒高元作室虞均作舟伯益作井赤冀作臼乘雅作駕寒衰作御王永作服牛史皇作圖巫彭作醫巫咸作筮此二十官者

聖人之所以治天下也聖王不能二十官之事然而使二十官盡其巧畢其能聖王在上故也聖王之所不能也所以能之也所不知也所以知之也養其神修其德而化矣豈必勞形愁弊耳目哉是故聖王之德融乎若月之始出極燭六合而無所窮屈昭乎若日之光變化萬物而無所不行神合乎太一生無所屈而意不可障精通乎鬼神深微玄妙而莫見其形今日南面百邪自正而天下皆反其情黔首畢樂其志安育其性而莫爲不成故善爲君者矜服性命之情而百官已治矣黔首已親矣名號已章矣○凡君也者處平靜任德化以聽其要若此則形性彌羸而耳目愈精百官慎職而莫敢愉縱人事其事以充其名名實相保之謂知道○唯彼天符不周而周此神農之所以長而堯舜之所以章也人主自智而愚人自巧而拙人若此則愚拙者請矣巧智者詔矣詔多則請者愈多矣

請者愈多旦無不請也主雖巧智未無不知  
也以未無不知應無不請其道固窮爲人主  
而數窮於其下將何以君人乎窮而不知其  
窮其患又將反以自多是之謂重塞之主無  
存國矣故有道之主因而不爲責而不詔去  
想去意靜虛以待不伐之言不奪之事督名  
審實官使自司以不知爲道以奈何爲實○  
天地陰陽不革而成萬物不同目不失其明  
而見白黑之殊耳不失其聽而聞清濁之聲

王者執一而爲萬物正軍必有將所以一之  
也國必有君所以一之也天下必有天子所  
以一之也天子必執一所以搏之也一則治  
兩則亂今御驪馬者使四人入操一策則不  
可以出於門閭者不一也○人主出聲應容  
不可不審凡主有識言不欲先人唱我和人  
先我隨以其出爲之入以其言爲之名取其  
實以責其名則說者不敢妄言而人主之所  
執其要矣○言者以諭意也言意相離凶也

亂國之俗甚多流言而不顧其實務以相毀務以相譽毀譽成黨衆口熏天賢不肖不分以此治國賢主猶惑之也又况乎不肖者乎惑者之患不自以爲惑故惑惑之中有曉焉冥冥之中有昭焉亡國之主不自以爲惑故與桀紂幽厲皆也○宋人有取道者其馬不進倒而投之鷁水又復取道其馬不進又倒而投之鷁水如此者三雖造父之所以威馬不過此矣不得造父之道而徒得其威無益於御人主之不肖者有似於此不得其道而徒多其威威愈多民愈不用○亡國之主必自驕必自智必輕物自驕則簡士自智則專獨輕物則無備無備召禍專獨位危簡士壅塞欲無壅塞必禮士欲位無危必得衆欲無召禍必完備三者人君之大經也○開春始雷則蟄蟲動矣時雨降則草木育矣飲食居處適則九竅百節千脉皆通利矣王者厚其德積衆善而鳳凰聖人皆來至矣共伯和修

其行好賢仁而海內皆以來爲誓矣○身定國安天下治必賢人古之有天下也者七十聖觀於春秋自魯隱公以至哀公十有二世之所以得之所以失之其術一也得賢人國無不安名無不榮失賢人國無不危名無不辱先王之索賢人無不以也極卑極賤極遠極勞○賢主所貴莫如士所以貴士爲其直言也言直則枉者見矣人主之患欲聞枉而惡直言是障其源而欲其水也水奚自至是賤其所欲而貴其所惡也所欲奚自來○夫以勇事人者以死也未死而言死不論以雖知之與勿知同凡智之貴也貴知化也人主之惑者則不然化未至則不知化已至雖知之與勿知一貫也事有可以過者有不可以過者而身死國亡則胡可以過此賢主之所重惑主之所輕也所輕國惡德不危身惡得不困危困之所道身死國亡在於不先知化也○欲知平直則必準繩欲知方圓則必規

矩人主欲自知則必直士故天子立輔弼設  
師保所以舉過也夫人故不能自知人主猶  
其存亡安危勿求於外務在自知堯有欲諫  
之鼓舜有誹謗之木湯有司過之士武王有  
戒慎之韜猶恐不能自知今賢非堯舜湯武  
也而有掩蔽之道奚繇自知哉○名號大顯  
不可疆求必繇其道治物者不於物於人治  
人者不於事於君治君者不於君於天子治  
天子者不於天子於欲治欲者不於欲於性  
性者萬物之本也不可長不可短因其固然  
而然之此天地之數也窺赤肉而烏鵲聚狸  
處堂而衆鼠散衰經陳而民知喪竽瑟陳而  
民知樂湯武修其行而天下從桀紂慢其行  
而天下畔豈待其言哉君子審在己者而已  
矣荆有善相人者所言無遺策聞於國莊王  
見而問焉對曰臣非能相人也能觀人之友  
也觀布衣也其友皆孝弟純謹畏令如此者  
其家必日益身必日榮矣所謂吉人也觀事

君者也其友皆誠信有行好善如此者事君日益官職日進此所謂吉臣也觀人主也其朝臣多賢左右多忠主有失皆交爭証諫如此者國日安主日尊天下日服此所謂吉主也臣非能相人也能觀人之友也莊王善之於是疾收士日夜不懈遂伯天下故賢主之時見文藝之人也非特具之而已也所以就大務也○賢主有度而聽故不過有度而以聽則不可欺矣不可惶矣不可恐矣不可喜矣以凡人之知不昏乎其所已知而昏乎其所未知則人之易欺矣可惶矣可恐矣可喜矣知之不審也○今召容者酒酣歌舞鼓瑟吹竽明日不拜樂已者而拜主人主人使之也先王之立功名有似於此使衆能與衆賢功名大立於世不予以予佐之者而予其主使之也

老子貴以身爲天下者則可寄於天下愛以身爲天下者乃可以託於天下○少則得多則

惑是以聖人抱一爲天下式○不出戶知天下不窺牖見天道○江海所以能爲百谷王者以其善下之故能爲百谷王是以聖人欲上民必以言下之欲先民必以身後之是以聖人處上而民不重處前而民不害是以天下樂推而不厭以其不爭故天下莫能與之爭

列子慎爾言將有和之慎爾行將有隨之

莊子賢者伏處太山嵁巖之下而萬乘之君憂

慄乎廟堂之上○以道觀言而天下之君正以道觀分而君臣之義明以道觀能而天下之官治以道泛觀而萬物之應備○以賢臨人未有得人者也以賢下人未有不得人者也○古之君人者以得爲在民以失爲在亡以正爲在民以枉爲在亡故一形有失其形其退而自責

韓非子道者萬物之始是非之紀也是以明君守始以知萬物之源治紀以知善敗之端故

虛靜以待令令名自命也令事自定也虛則知實之情靜則知動者正有言者自爲名有事者自爲形形名參同君乃無事焉歸之其情故曰君無見其所欲君見其所欲臣自將雕琢君無見其意君見其意臣將自表異故曰去好去惡臣乃見素去舊去智臣乃自備故有智而不以慮使萬物知其處有行而不以賢觀臣下之所因有勇而不以怒使羣臣盡其武是故去智而有明去賢而有功去勇

而有強羣臣守職百官有常因能而使之是謂習常故曰寂乎其無位而處寥乎莫得其所明君無爲於上羣臣竦懼乎下明君之道使智者盡其慮而君因以斷事故君不窮於智賢者敕其材君因以任之故君不窮於能有功則君有其賢有過則臣任其罪故君子不窮於名是故不賢而爲賢者師不智而爲上智者正臣有其勞君有其成功此之謂賢主之經也○明主使法擇人不自舉也使法

量功不自度也能者不可弊敗者不可飾譽者不能進非者弗能退則君臣之間明辯而易治故主讎法則可也○夫虎之所以能服狗者爪牙也使虎釋其爪牙而使狗用之則虎反服狗矣人主者以刑德制臣者也今君人者釋其刑德而使臣用之則君反制於臣矣○韓昭侯醉而寢典冠者見君之寒也故加衣於君之上覺寢而說問左右曰誰加衣者左右對曰典冠君因兼罪典衣與典冠其罪典衣以爲失其事也其罪典冠以爲越其職也非不惡寒也以爲侵官之害甚於寒故明主之畜臣不得越官而有功不得陳言而不當越官則死不當則罪守業其官所言者貞也則羣臣不得朋黨相爲矣○去好去惡羣臣見素羣臣見素則大君不蔽矣○天有大命人有大命夫香美脆味厚酒肥肉甘旨而疾形曼理皓齒說情而捐精故去甚去泰身乃無害權不欲見素無爲也事在四方

要在中央聖人執要四方來效虛而待之彼  
自以之四海旣藏道陰見陽左右旣立開門  
而當勿變勿易與二俱行行之不已是謂履  
理也○聖人之道去智與巧智巧不去難以  
爲常民人用之其身多殃主上用之其國危  
亡因天之道反形之理督參鞠之終則有始  
虛以靜後未嘗用亡凡人之患必同其端信  
而勿同萬民一從夫道者弘大而無形德者  
覈理而普至至於羣生斟酌用之萬物皆盛  
而不與其寧道者下周於事因誓而命與時  
生死參名異事通一同情故曰道不同於萬  
物德不同於陰陽衡不同於輕重繩不同於  
出入和不同於燥濕君不同於輕重繩不同於  
者道之出也道無雙故曰一是故明君貴獨  
道之容君臣不同道下以名禱君操其名臣  
效其形形名參同上下和調也○喜之則多  
事惡之則生怨去喜去惡虛心以爲道舍上  
不與共之民乃寵之上不與義之使獨爲之

上固閉內局從室視庭參咫尺已具皆之其處以賞者賞以刑者刑因其所爲各以自成善惡必及孰敢不信規矩旣設三隅乃列主上不神下將有因其事不當下考其常若天若地是謂累解若地若天孰疎孰親能象天地是謂聖人○凡人主之國小而家大權輕而臣重者可亡也簡法禁而務謀慮荒封內而恃交援者可亡也羣臣爲學門子好辯商賈外績小民右仗者可亡也好宮室臺榭陂池事車服器玩好罷露百姓煎靡貨財者可亡也用時日事鬼神信卜筮而好祭祀者可亡也聽以爵不待參驗用一人爲門戶者可亡也官職可以重求爵祿可以貨得者可亡也緩心而無成柔茹而寡斷好惡無決而無所定立者可亡也饕貪而無饜近利而好得者可亡也喜淫而不周於法好辯說而不求其用濫於文麗而不顧其功者可亡也淺薄而易見漏泄而無藏不能周密而通羣臣之

語者可亡也狠剛而不和慎諫而好勝不顧  
社稷而輕爲自信者可亡也恃交援而簡近  
隣恤强大之救而侮所迫之國者可亡也羈  
旅僑士重帑在外上間謀計下與民事者可  
亡也民信其相下不能其上主愛信之而弗  
能廢者可亡也境內之傑不事而求封外之  
士不以功伐課試而好以名問舉錯羈旅起  
貴以陵故常者可亡也輕其適正庶子稱衡  
太子未定而主卽世者可亡也大心而無悔  
國亂而自多不料境內之資而易其鄰敵者  
可亡也國小而不處畀力少而不畏強無禮  
而侮大鄰貪愾而拙交者可亡也太子已置  
而要於強敵以爲后妻則太子危如是則羣  
臣易慮羣臣易慮者可亡也怯惄而弱守蚤  
見而心柔懦知有謂可斷而弗敢行者可亡  
也出若在外而國更置質太子未反而君易  
予如是則國擣國擣者可亡也挫辱大臣而  
抑其身刑戮小民而逆其使懷怒思恥而專

習則賊生賊生者可亡也大臣兩重父兄衆  
強內黨外授以爭事勢者可亡也婢妾之言  
聽愛玩之智用外內悲惋而數行不法者可  
亡也簡侮大臣無禮父兄勞苦百姓殺戮不  
辜者可亡也好以智矯法時以私襍公法禁  
變易號令數下者可亡也無地固城郭惡無  
畜積財物寡無守戰之備而輕攻伐者可亡  
也種類不壽主數卽世嬰兒爲君大臣專制  
樹羈旅以爲黨數割地以待交者可亡也太  
子尊顯徒屬衆強多大國之交而威勢蚤具  
者可亡也偏褊而心急輕疾而易動發心惄  
忿而不訾前後者可亡也主多怒而好用兵  
簡本教而輕戰攻者可亡也貴臣相妬大臣  
隆盛外籍敵國內困百姓以攻怨讐而人主  
弗誅者可亡也君不肖而側室賢太子輕而  
庶子伉官吏弱而人民桀如此則國躁國躁  
者可亡也藏怒而弗發懸罪而弗誅使羣臣  
陰憎而愈憂懼而久未可知者可亡也出軍

命將太重邊地任守太尊專制擅命徑爲而無所請者可亡也后妻淫亂主母畜穢外內混通男女無別是謂兩主兩主者可亡也后妻賤而婢妾貴太子卑而庶子尊相室輕而典謁重如此則内外乖内外乖者可亡也大臣甚貴偏黨衆強壅塞主斷而重擅國者可亡也私門之官用馬府之世紈鄉曲之善舉官職之勞廢貴私行而賤公功者可亡也公家虛而大臣實正戶貧而寄寓富耕戰之士困末作之民利者可亡也見大利而不趨聞禍端而不備淺薄於爭守之事而務以仁義自飾者可亡也不爲人主之孝而慕匹夫之孝不顧社稷之利而聽主母之令女子用國刑餘用事者可亡也辭辯而不法心智而無術主多能而不以法度從事者可亡也親臣進而故人退不肖用事而賢良伏無功貴而勞苦賤如是則下怨下怨者可亡也父兄大臣祿秩過功章服侵等宮室供養大侈而人

主弗禁則臣心無窮臣心無窮者可亡也公  
婿公孫與民同門暴傲其鄰者可亡也亡徵  
者非曰必亡言其可亡也○先王以道爲常  
以法爲本本治者名尊本亂者名絕凡智能  
明通有以則行無以則止故智能單道不可  
傳於人而道法萬全智能多失夫懸衡而知  
平設規而知圓萬全之道也○有道之君外  
無怨讐於鄰敵而內有德澤於人民夫外無  
怨讐於鄰敵者其遇諸侯也外有禮義內有

德澤於人民者其治人事也務本遇諸侯有  
禮義則役希起治民事務本則淫奢止○天  
下有道無急患則曰靜遽傳不用故曰却走  
馬以糞天下無道攻擊不休相守數年不已  
甲胄生蟣虱鷺雀處帷幄而兵不歸故曰戎  
馬生於郊翟人有獻豐狐玄豹之皮於晉文  
公文公受客皮而歎曰此以皮之美自爲罪  
夫治國者以名號爲罪徐偃王是也以城與  
地爲罪虞虢是也故曰罪莫大於可欲智伯

兼范中行而攻趙不已韓魏反之軍敗晉陽  
身死高梁之東遂卒被分漆其首以爲溲器  
故曰禍莫大於不知足虞君欲屈產之乘與  
垂棘之璧不聽宮之奇故邦亡身死故曰谷  
莫憎於欲得邦以存爲常霸王其可也身以  
生爲常富貴其可也不欲自害則邦不亡身  
不死故曰知足之爲足矣楚莊王旣勝狩于  
河雍歸而賞孫叔敖孫叔敖請漢間之地沙  
石之處楚邦之法祿臣再世而收地唯孫叔

敖獨在此不以其邦爲收者瘠也故九世而  
祀不絕故曰善建不拔善抱不脫子孫以其  
祭祀世世不輟孫叔敖之謂也○觀聽不參  
則誠不聞聽有門戶則臣壅塞○日兼燭天  
下一物不能當也人君兼燭一國人一人不  
能擁也○昔者舜鼓五絃歌南風之詩而天  
下治○夫良藥苦於口而智者勸而飲之知  
其入而已亡疾也忠言拂於耳而明主聽之  
知其可以致功也○宋人有酤酒者升槧甚

平遇客甚謹爲酒甚美縣幟甚高著然不售  
酒酸怪其故問其所知長者楊倩倩曰汝狗  
猛耶○最苦社鼠夫社木而塗之鼠因自託  
也燻之則木焚灌之則塗阤此所以苦於社  
鼠也

六惟仁人能受正諫不惡至情○天下非一  
人之天下乃天下之天下也同天下之利者  
則得天下擅天下之利者則失天下○君不  
肖則國危而民亂君賢聖則國安而民治禍  
福在君不在天時○目貴明耳貴聰心貴智  
以天下之目視則無不見也以天下之耳聽  
則無不聞也以天下之心慮則無不智也輻  
輳竝進則明不蔽矣○文王問太公曰君國  
主民者其所以失之者何也太公曰不慎所  
與也人君有六守三寶文王曰六守何也太  
公曰一曰仁二曰義三曰忠四曰信五曰勇  
六曰謀是謂六守文王曰慎擇六守者何太  
公曰富之而觀其無犯貴之而觀其無驕付

之而觀其無轉使之而觀其無隱危之而觀其無恐事之而觀其無窮富之而不犯者仁也貴之而不驕者義也付之而不轉者忠也使之而不隱者信也危之而不恐者勇也事之而不窮者謀也人君無以三寶借人借人則君失其威文王曰敢問三寶太公曰大農大工大商謂之三寶農一其鄉則貨足工一其鄉則器足商一其鄉則貨足三寶各安其處民乃不慮無亂其鄉無亂其族臣無富於

君都無大於國六守長則君昌三寶全則國安○君以世俗之所譽者爲賢以世俗之所毀者爲不肖則多黨者進少黨者退若是則羣邪比周而蔽賢忠臣死於無罪姦臣以虛譽取爵位是以世亂愈甚則國不免於危亡○大蓋天下然後能容天下然後能懷天下恩蓋天下然後能保天下權蓋天下然後能不失天下事而不疑則天運不能移時變不能遷此

六者備然後可以爲天下政故利天下者天下啓之害天下者天下閉之生天下者天下德之殺天下者天下仇之安天下者天下通之窮天下者天下賊之徹天下者天下恃之危天下者天下災之天下者非一人之天下唯有道者處之

器治國安家得人也亡國破家失人也○夫將帥者必與士卒同滋味而共安危敵乃可加故兵有全勝敵有全囚昔者良將之用兵

有餚簾醪者使投諸河與士卒同流而飲夫一簾之醪不能味一河之水而三軍之士思爲致死者以滋味之及亡也軍識曰軍井未達將不言渴軍幕未辨將不言倦軍竈未炊將不言飢冬不服裘夏不操扇雨不張蓋是謂將禮與之安與之危故其衆可合而不可離可用而不可疲以其恩素蓄謀素和也故曰蓄恩不倦以一取萬○專亡則下歸咎自伐則下少功

**吳子**承桑氏之君修德廢武以滅其國有扈氏之君恃衆好勇以喪其社稷明主鑒茲必內修文德外治武備

**孟子**古之人與民偕樂故能樂也○老吾老以及人之老幼吾幼以及人之幼天下可運於掌○以大事小者樂天者也以小事大者畏天者也樂天者保天下畏天者保其國○齊宣王見孟子於雪宮王曰賢者亦有此樂乎孟子對曰有人不得則非其上矣不得而非

其上者非也爲民上而不與民同樂者亦非也樂民之樂者民亦樂其樂憂民之憂者民亦憂其憂樂以天下憂以天下然而不王者未之有也○君子創業垂統爲可繼也若夫成功則天也○以力假仁者霸霸必有大國以德行仁者王王不待大○仁則榮不仁則辱今惡辱而居不仁是猶惡濕而居下也如惡之莫如貴德而尊士○人皆有不忍人之心先王有不忍人之心斯有不忍人之政矣

以不忍人之心行不忍人之政治天下可運  
之掌上○將大有爲之君必有所不召之臣  
欲有謀焉則就之其尊德樂道不如是不足  
與有爲也故湯文於伊尹學焉而後臣之故  
不勞而王桓公之於管仲學焉而後臣之故  
不勞而霸○爲政不難不得罪於巨室巨室  
之所慕一國慕之一國之所慕天下慕之故  
沛然德教溢乎四海○恭者不侮人儉者不  
奪人侮奪人之君惟恐不順焉惡得爲恭儉

恭儉豈可以聲音笑貌爲哉○無罪而殺士  
則大夫可以去無罪而戮民則士可以徙○  
君仁莫不仁君義莫不義○以善服人者未  
有能服人者也以善養人然後能服天下天  
下不心服而王者未之有也○禹惡旨酒而  
好善言湯執中立賢無方文王視民如傷望  
道而未之見武王不泄邇不忘遠周公思兼  
三王以施四事其有不合者仰而思之夜以  
繼日幸而得之坐以待旦○訖訖之聲音顏

色距人於千里之外士止於千里之外則讒  
諂面諛之人至矣與讒諂面諛之人居國欲  
治可得乎○舜發於畎畝之中傅說舉於版  
築之間膠鬲舉於魚鹽之中管夷吾舉於士  
孫叔敖舉於海百里奚舉於市故天將降大  
任於是人也必先苦其心志勞其筋骨餓其  
體膚空乏其身行拂亂其所爲所以動心忍  
性曾益其所不能人恒過然後能改困於心  
衡於慮而後作徵於色發於聲而後喻入則  
無法家拂士出則無敵國外患者國恒亡然  
後知生於憂患而死於安樂也○古之賢王  
好善而忘勢古之賢士何獨不然樂其道而  
忘人之勢故王公不致敬盡禮則不得亟見  
之見且猶不得亟而況得而臣之乎○食而  
弗愛豕交之也愛而不敬獸畜之也恭敬者  
幣之未將者也恭敬而無實君子不可虛拘  
○不信仁賢則國空虛無禮義則上下亂無  
政事則財用不足

馬駭輿則君子不安輿庶人駭政則君子不安位馬駭輿則莫若靜之庶人駭政則莫若惠之選賢良舉篤敬興孝悌收孤寡補貧窮如是則庶人安政矣庶人安政然後君子安位傳曰君者舟也庶人者水也水則載舟水則覆舟此之謂也故君人者欲安則莫若平政愛民矣欲榮則莫若隆禮敬士矣欲立功名則莫若尚賢使能矣是君人者之大節也三節者當則其餘莫不當矣三節者不當由將無益也孔子曰大節是也小節是也上君也大節是也小節一出焉一入焉中君也大節非也小節雖是也吾無觀其餘矣○脩禮者王爲政者彊取民者安聚斂者亡故王者富民霸者富士僅存之國富大夫亡國富筐篋實府庫筐篋已富府庫已實而百姓貧夫是之謂上溢而下漏入不可以守出不可以戰則傾覆滅亡可立而待也故我聚之以亡敵得之以彊聚斂者召寇肥敵亡國危身

之道也故明君不蹈也○國者天下之利用  
也人主者天下之利勢也得道以持之則大  
安也大榮也積美之源也不得道以持之則  
大危也大累也有之不如無之○君人者勞  
於索之而休於使之○君者儀也儀正而景  
正君者槃也槃圓而水圓君者孟也孟方而  
水方君射則臣決○刑范正金錫美工治巧  
火齊得剖刑而莫耶已然而不剝脫不砥礪  
則不可以斷繩剝脫之砥礪之則蠡盤孟刎

牛馬忽然耳彼國者亦彊國之剖刑已然而  
不教誨不調一則入不可以守出不可以戰  
教誨之調一之則兵勁城固敵國不敢攖也  
彼國者亦有砥礪禮義節奏是也故人之命  
在天國之命在禮人君者隆禮尊賢而王重  
法愛民而霸好利多詐而危權謀傾覆幽險  
而盡亡○國將興必貴師而重傳貴師而重  
傳則法度存國將衰必賤師而輕傳賤師而  
輕傳則人有快人有快則法度壞

入齊為人所囚者更矣  
執相者亦奇遇甚矣知而辟於魏而復  
而至○固知其必有重於其國而至  
其後因而與其人俱亡也○故謂之  
大限多矣數入獄者雖懼而生  
於獄者亦不無少也○委  
於獄者固多也○但人不無少也○乃  
不外乎此也○

弘裕齋撰語卷之一終

